

№ 52. Богочестит вѣврану



Акафистъ священноисповѣдникѣ
Иоаннѣ Оленевскомѣ

Кондак 1

Избранный угодниче Христов, теплый молитвенниче и предивный исповедниче, отче наш Иоанне, измлада возлюбивый житие нескверное, подвиг взем печальника земли нашея, и веру Христову исповеда небоязненно, явился еси чудотворец презряднейший, подавая всем страждущим исцеление и утешение. Мы же, недостойнии, пение хвалебное во умилении сердец приносим ти: Радуйся, отче наш Иоанне, теплый молитвенниче и предивный чудотворче.

Икос 1

Равноангельнаго жития возжелал еси с лет юных, отче праведне Иоанне, постом и молитвою предуготовляя всего себе служению Господеви, явил еси душу свою яко обитель святую для печальных сирот и вдовиц, заступая и наставляя на путь спасения к тебе притекающих. Мы же, зряще тя, яко пастыря добраго, от Бога нам дарованнаго, умильно вопием ти:

Радуйся, прежде рождения иноцеми предреченный.

Радуйся, проречение: Сей велий воистину посреде верных будет, - житием своим исполнивый.

Радуйся, постом и молитвою душу свою яко святую обитель скорбящих ради уготовавый.

Радуйся, нищету духовную паче сладостей мира возлюбивый.

Радуйся, в молитве ко Господу день и ночь отро-

ком проводил еси.

Радуйся, нерадивых в храм святой ходити вразумлял еси.

Радуйся, измлада в храме усердно служивый. Радуйся, сиротам и вдовицам милости неоскудеваемая подававый.

Радуйся, отче наш Иоанне, теплый молитвенниче и предивный чудотворче.

Кондак 2

Видяще лютый враг рода человеческого житие твое святое, отче наш Иоанне, непрестанно деяху ти пакости, во еже озлобити сродники на тя, и тии изгоняху тя и приюта не даяху. Ты же бе подобие Саровскому чудотворцу, за обидящих молился еси, воспевая благодаряще Богу: Аллилуиа.

Икос 2

Ум имея богопросвещенный, прошел еси весь путь скорбнаго подвижническаго жития: поста, бдения ноцнаго и слез неоскудных. Странен бе сам и прият сироту отрока, наставлял еси его, питая трудами своими. Темже и мы вси, таковому твоему милосердию дивящесея, вопием ти:

Радуйся, житием своим преславным Богу угодивый.

Радуйся, любовью Христовою козни диавольския победивый.

Радуйся, крестным знамением смертную язву

врачевавый.

Радуйся, о ненавидящих и гонящих усердно к Богу взывавый.

Радуйся, словами: Бог с ними, - ранящих тя, кротко прощал еси.

Радуйся, о всем мире в молитве пламенной слезы проливал еси.

Радуйся, неоскудеваемую милость к отроку-сироте показавый.

Радуйся, от трудов своих неимущим щедро подававый.

Радуйся, отче наш Иоанне, теплый молитвенниче и предивный чудотворче.

Кондак 3

Сила Вышняго просвети душевная очеса твоя, блаженне Иоанне, внемда смиренно познал еси волю Господню, приучаяся измлада житию строгому, оставив прелесть мира сего, непрестанно помышляя о небеснем и взывая Богу: Аллилуиа.

Икос 3

Имущи ревность Божию измлада и Божий глаголы памятуя: Идеже бо еста два или трие собрани во Имя Мое, ту есмь посреде их, - ты, отче Иоанне, егда бе отрок мал, ходити в Церковь Божию люди призывал еси. Мы же, благодаряще Бога, воспеваем ти:

Радуйся, смиренномудрие с юных лет стяжавый.
Радуйся, непрестанным подвигом великим угодником подражавый.

Радуйся, волю Господню смиренно в себе познавый.

Радуйся, Господа ради постное житие возлюбивый.

Радуйся, вся красная мира сего ни во что же вменивый.

Радуйся, все упование на Бога от юности возложивый.

Радуйся, благую любовь к храму Божию присно имел еси.

Радуйся, пением сладостотворным молящихся услаждал еси.

Радуйся, отче наш Иоанне, теплый молитвенниче и предивный чудотворче.

Кондак 4

Бури жития мира сего присноволнующагося избегая, в чащи лесная удалялся, сокрывал еси себе, святе Иоанне, и тамо ум свой в горняя возводя, возлюбил еси в молитве сладость и упокоение, взывая к Богу: Аллилуиа.

Икос 4

Слышаще и видяще святое житие твое, святе Иоанне, ближний и дальний удивляхуся тебе, и приходяще к тебе, поучахуся о словесех твоих и сове-

тех, славяще Господа, дивнаго во святых Своих. И мы вси с верою и любовию восхваляем тя, праведне Иоанне, и вопием ти сице:

Радуйся, яко подвигами и чудесы твоими землю нашу облагоухавый.

Радуйся, всем сердцем благодать Христову стяжавый.

Радуйся, житием своим Саровскому чудотворцу подражавый.

Радуйся, сладость райскую в молитве пламенной взыскавый.

Радуйся, ум свой в горняя усердно вперявый.

Радуйся, подвиги твоя от взора людскаго укрывавый.

Радуйся, в искушениях к Богу непрестанно взывавый.

Радуйся, в бедах и скорбех все упование на Него возлагавый.

Радуйся, отче наш Иоанне, теплый молитвенниче и предивный чудотворче.

Кондак 5

Божественнаго Духа преисполнен был еси, святыи праведный Иоанне, добродетельнаго ради жития твоего, зане кроток, милостив, девственен, чист сердцем, терпелив зело, непамятозлюбив был еси: сего ради Творец и в чудесех преславно показа тя. Мы же, прославляя Бога, прославльшаго тя, вопием Ему: Аллилуиа.

Икос 5

Видя враг рода человека чистое и святое житие твое, святе Иоанне, наводя на ты люди злы, иже беззаконно истязаху ты и еле жива суца оставляху. Ты же, святой отче, яко агнец кроток вся терпел еси, за обидящих ты Господеви моляся. Темже мы вси, таковому твоему незлобию дивящеся, вопием ти:

Радуйся, в кротости и смирении твоём Христу Богу подражавый.

Радуйся, незлобием твоим духа злобы победи-
вый.

Радуйся, целителю скорый и в бедах помощниче предивный.

Радуйся, прикосновением руки твоея духа злобы изгнавый.

Радуйся, помазанием елея раны страждущим исцелил еси.

Радуйся, множеством чудес Господа в житии своем прославил еси.

Радуйся, постом и молитвою бе светильник неугасимый.

Радуйся, Духом Святым во вся дни жития твоего водимый.

Радуйся, отче наш Иоанне, теплый молитвенниче и предивный чудотворче.

Кондак 6

Проповедует земля Пензенская подвиги и труды твоя, богоносне отче наш Иоанне: велие пощение,

молитвы деннонощныя, смирение и терпение до-
стохвальныя, сего ради явился еси земли Русския
прозябение многоплодное дарами Духа Святаго,
Егоже действием многая и чудное совершил еси,
подвизая верных воспевати Богу: Аллилуиа.

Икос 6

Возсия душа твоя в мире горнем по отшествии
твоём, святче Божий Иоанне, идеже Мирликийский
чудотворец Николай и Серафим Саровский со ине-
ми святыми молят Бога за ны. Мы же, радуясь тако-
вому о тебе Божию Промышлению, с любовью вопи-
ем ти:

Радуйся, в подвизех дивных чудотворцем вели-
ким поревновавый.

Радуйся, в видении с угодниками Божиими в ри-
зах равных стоявый.

Радуйся, паству Пензенскую с любовью ревност-
но окормлял еси.

Радуйся, грядущее, яко настоящее провещавал
еси.

Радуйся, притекавших к тебе на путь спасения
направлял еси.

Радуйся, погибающих в пучине греховней молит-
вою спасал еси.

Радуйся, Промыслу Божию веровати малодуш-
ных утверждал еси.

Радуйся, грешников ко исправлению чрез покая-
ние возрождал еси.

Радуйся, отче наш Иоанне, теплый молитвенниче

и предивный чудотворче.

Кондак 7

Хотящу врагу спасения рода человека истребити веру Православную в земли Русския, воздвиге ты Господь, отче праведне, во утверждение верным, яко столпа веры неколебима и исповедника преславна. Темже толицем в вере стоянием твоим утверждени, Подвигоположнику Христу Богу вопием: Аллилуиа.

Икос 7

Новаго видяще ты исповедника Христова, издалеча притекаху к тебе верни и в скорбех и гонениих, ты же неустрашимо исповедал еси веру Христову даже до уз темничных, отче наш Иоанне, и явил себе образ жития и правило веры пастве твоей. Темже ублажая тя, взываем сице:

Радуйся, за веру Христову гонимый.

Радуйся, узы темничныя за Господа с радостию приемый.

Радуйся, раны и заушения смиренно претерпевый.

Радуйся, исповедниче Христов, богомудрый и прозорливый.

Радуйся, кротостию своею силу вражию разрушивый.

Радуйся, адаманте веры несокрушимый.

Радуйся, исповедниче славный и неустрашимый.

Радуйся, столпе Православия непоколебимый.
Радуйся, отче наш Иоанне, теплый молитвенниче
и предивный чудотворче.

Кондак 8

Странное чудо видим на тебе, святче праведне,
внегда стреляху в тя богоборцы, ты же цел бе и не-
вредим, амалика богоборнаго побеждая и Господеви
попя: Аллилуиа.

Икос 8

Весь бе в вышних, исповедниче Христов Иоанне,
в дольном же мире гонения претерпевая, со избран-
ными Божиими взывал еси ко Господу: Тебе ради
умерщвляемся весь день, вменихомся яко овцы за-
коления. Сего ради, укрепляемии твоим терпением,
взываем ти:

Радуйся, брань лютую от злых людей приемый.

Радуйся, немощныя люди в заточении укрепивый.

Радуйся, на вопрошание палачей кротко отвеча-
вый.

Радуйся, стражнику единому кончину внезапную
предсказавый.

Радуйся, терпением дивным безбожныя порази-
вый.

Радуйся, в мучениих тя паки невредима Господь
сохранивый.

Радуйся, яко от убивающих тя невредимо сохра-

нился еси.

Радуйся, чудо велие при мучении огненнем показал еси.

Радуйся, отче наш Иоанне, теплый молитвенниче и предивный чудотворче.

Кондак 9

Все естество Ангельское удивися высоте служения твоего во тьме неверия, отче Иоанне. Ты же бысть нам яко светило незаходимое, землю нашу чудесы многими озаряющее, восприял еси позор, и уничижение, и исповедание за Христа, победно взывая Богу: Аллилуиа.

Икос 9

Витийство всякое земнородных не может достойно восхвалити тя, отче наш Иоанне, предал бо еси всего себе на служение всем, приходящим к тебе, и сего ради люто мучим бысть от людей злых, егда ты вязаху пеленою и с берега бросаху в реку нощию, но Господь тя здоровым сохранил есть. Посему мы достойную похвалу приносим ти сице:

Радуйся, лучами чудес твоих бурю зол отгнавый.

Радуйся, лишения темничныя мужественно претерпевый.

Радуйся, день и ночь за врагов молитву возноси-
вый.

Радуйся, позор и уничижение яко славу воина Христова приявый.

Радуйся, мученическое исповедание Господа ради явивый.

Радуйся, во времена оскудения веры от Бога не отступивый.

Радуйся, храм души ересью не осквернивый.

Радуйся, в пучине испытаний веру сохранять научивый.

Радуйся, отче наш Иоанне, теплый молитвенниче и предивный чудотворче.

Кондак 10

Спасительного подвига страдальче достигл еси изрядно пред честною кончиною твоею, егда в Четырдесятницу Святую едину просфору в день вкушаше и токмо святой водою мало запиваше; диавол же отомстиша ти, наведе на тя люди, иже беззаконно мучаше тя и едва жива суца оставиша. Ты же, яко агнец кроток, претерпел еси вся, за обидящих тя моляся Богу, воспевая: Аллилуиа.

Икос 10

Стена еси всем Христианом, к заступлению твоему притекающим, Христороубче отче наш Иоанне, являешися. Помози нам, грешным, да принесем плод покаяния и научи нас памятовати во вся дни последняя своя, сам бо, провидев кончину свою, многолетно хождаше на место упокоения земнаго и песни исходный по себе пояше. Мы же, любовию

подвизаемии, дерзаем пети тебе сице:

Радуйся, ангельское житие в брennem телеси явивый.

Радуйся, великий постниче, Богу от юности послуживый.

Радуйся, яко благоухание от тебе в житии и успении исхождаше.

Радуйся, до отшествия своего на место покоя песни исходныя пети хождаше.

Радуйся, видения преподобнаго Серафима сподобился еси.

Радуйся, люди многия от пути гибельного отвратил еси.

Радуйся, о спасении России слезно Бога молил еси.

Радуйся, светильниче, землю Пензенскую паче солнца осветил еси.

Радуйся, отче наш Иоанне, теплый молитвенниче и предивный чудотворче.

Кондак 11

Пение благодарственное непрестанно возносил еси Творцу, угодниче Божий, всем житием твоим и исповедничеством за Христа чудотворец велий явился еси, и по кончине твоей солнце взыграху и небеса радугой облистяхуся, преславных мощей твоих явление запечатлеша. Мы же, с радостию лобызая их, вопием Богу: Аллилуиа.

Икос 11

Светозарное светило в земле Пензенстей благодатию и чудесами быв в житии, блаженне отче, и по кончине твоей возсиял еси, просвещая вся концы земли. Ныне честныя мощи твоя источают множество чудес и исцелений всем с верою и любовью притекающим к тебе. Посему и мы, яко теплому о нас предстателю и чудотворцу, вопием ти:

Радуйся, милосердия источниче неоскудеваемый.

Радуйся, кладезю чудес неисчерпаемый.

Радуйся, образе кротости благолепный.

Радуйся, молитвенниче наш неусыпный

Радуйся, девством прехвальным украшенный.

Радуйся, чудотворче, ангелами воспеваемый.

Радуйся, источниче благодати нам являемый.

Радуйся, сердца любовью насыщающий.

Радуйся, отче наш Иоанне, теплый молитвенниче и предивный чудотворче.

Кондак 12

Благодать спасительную и велие предстательство твое пред Богом ведуще, молим тя, старче праведный, молися за ны, недостойныя, ко Всемилоливому Спасу, да управит Церковь Свою Святую от расколов и ересей, и весь сею от бед и напастей сохранит, да прославим Бога, воспевая Ему: Аллилуиа.

Икос 12

Поюще твое дивное прославление, величаем тя, святой праведный Иоанне исповедниче, поклоняемся многоцелебным мощем твоим, ублажаем святую память твою, вемы тя, яко щит и ограждение наше от супостат и молитвенника многомошна пред Престолом Господним. Сего ради с любовью восклицаем ти сице:

Радуйся, веси нашей похвало и утверждение.

Радуйся, земли Российской украшение.

Радуйся, православным крепкое заступление.

Радуйся, страждущим скорое исцеление.

Радуйся, скорбящим благонадежное утешение.

Радуйся, просящим неоскудеваемое вспоможение.

Радуйся, непоколебимая наша надежда на спасение.

Радуйся, нерушимое наше ограждение.

Радуйся, отче наш Иоанне, теплый молитвенниче и предивный чудотворче.

Кондак 13

О, великий угодниче Христов и предивный исповедниче, отче наш Иоанне, помощниче скорый всем, в нуждах и болезнях к тебе притекающим! Приими от нас, недостойных, с верою и любовью возносимое тебе хвалебное пение. Огради нас молитвами твоими от враг видимых и невидимых, да прославим

дивнаго во святых Своих Бога, явившаго нам в тебе велию милость, победную песнь воспевающим: Аллилуиа.

Сей кондак глаголи трижды. И паки четется 1-й йкос: Равноангельнагс жития: И паки 1-й кондак: Избранный угодниче:

Молитва первая.

О, всеблаженне Иоанне чудотворче, человеце Божий и верный рабе Господень! Ты еси праведник, яко финикс процветый, насажденный во дворех Господа Бога, присно многообразный благодатию Божией чудеса источаяй. О, всечестная главо, угодниче Божий, святе праведне Иоанне, от рождения своего на служение Богу призванный, научи и нас всем сердцем, всею душою, всем разумением и всем житием своим Богу служитьи и Ему одному угождати. Ты еси, иже девство и житие нескверное сохранивый, научи и нас, во многих гресех сплетенных, целомудрию и чистых соблюди от всякаго греха. Ты еси, иже в незлобии и терпении исповедничеством просиявый, помози нам в терпении и смиренномудрии верными Богу быти даже до скончания века, и якоже обещался еси, буди о нас и державе Российстей ходатай пред Богом, Емуже со Единородным Его Сыном и Всесвятым и Благим и Животворящим Духом слава, честь и поклонение подобает, ныне и присно, и во веки веков. Аминь.

Молитва вторая.

Святой праведный отче наш Иоанне! Молим тя: помогай нам, грешным рабом Божиим (имярек), твоими молитвами во всех скорбех, болезнях, нуждах и обстояниях наших, сохраняй нас и святой град сей (обитель сию) от всякаго зла и всякия напасти, наипаче же споспешествуй вечному спасению нашему. Ей, смиренно молим тя, угодниче Божий Иоанне: моли Христа Бога нашего, да отвратит от нас всякий гнев, на ны движимый, да избавит нас от сетей вражиих, томления во узах греха и мучений адовых, и да сподобит нас, недостойных, одесную Себе стати на Суде Своем праведнем и внити в вечный покой святых Его; идеже празднующих глас непрестанный и неизреченная сладость зрящих доброту лица Его: и тако возможем с тобою и всеми святыми прославляти Отца и Сына и Святаго Духа, Троицу Единую и Нераздельную, во веки веков. Аминь.

Молитва третья.

О, святой новоявленный угодниче Божий Иоанне Оленевский! Подвигом добрым подвизался еси на земли, восприял еси на небесех венец правды, еже уготовал есть Господь всем любящим Его. Тем же взирающе на святой твой образ (и поклоняся всечестным мощам твоим), радуемся о преславнем скончании жительства твоею и чтим святую память твою. Ты же, предстояй Престолу Божию, приими

моления наша, рабов Божиих (имярек), и ко Всеми-
лостивому Богу принеси, о еже простити нам всякое
прегрешение и помощи нам стати противу козней
диавольских, да избавльшеся от скорбей, болезней,
бед и напастей и всякаго зла, благочестно и правед-
но проживем в нынешнем веце и сподобимся пред-
стательством твоим, аще и недостойни есмы, видети
благая на земли живых, славяще Единого во Святых
Своих славимаго Бога, Отца и Сына и Святаго Духа,
ныне и во веки веков. Аминь.

ТРОПАРЬ

Земли Русския молитвенниче, / покаяния и
жизни во Христе проповедниче, / от юности в
трудех и постех образ верным быв, / в годину
тяжкую тесноту и лишения от безбожных претерпел
еси / и ко всем страждущим сердце милующее
имел еси, / отче наш Иоанне. // Поспеси и ныне в
помощь нам, любвию чтущим Тя.

КОНДАК

Глас 2

Днесь земля Пензенская прославляет Иоанна
предивнаго, / в сонме новомучеников и церкви
Русския просиявшаго. / Егоже молитвами, Христе
Боже, // спаси верныя люди Твоя.

Величание

Величаем Тя, святой праведный отче наш Иоанне и чтем святую память Твою, Ты бо молиши о нас Христа Бога нашего.

Молитва

О, дивный и кроткий угодниче Божий и теплый молитвенниче отче наш Иоанне! Ты измлада Господа возлюбивый, неустанно в храме пребывая, в посте и молитве тайной во всех бедах души людские укрепляя и утешая, Бога благодарил еси. Тем же и Дух Святой изволи твоима устнама волю Божию глаголати истинную и благую всем приходящим к тебе. Тако ныне нас притекающих к святым твоим и многоцелебным мощам не остави сирых и страждущих в житии сем твоим предстательством пред престолом Господа сил. Да твоим молитвенным ходатайством укрепляеми в веце сем, сподобимся вечные небесныя обители, идеже вкупе с тобою и со всеми святыми да прославим Пречестное и великолепное Имя Единосущныя Троицы, Отца и Сына и Святаго Духа. Аминь.